

Аманжолова - Қазақстан Республикасының Сыртқы істер
Зұльфия Алтайқызы министрлігі Халықаралық-құқық
департаментінің директоры, хатшы

Комиссия мүшелері:

Ізмұқамбетов - Қазақстан Республикасының Энергетика
Бақтықожа Салахатдинұлы және минералдық ресурстар бірінші
вице-министрі

Поспелов - Қазақстан Республикасы Қорғаныс
Николай Николаевич министрінің орынбасары

Берқалиев - Қазақстан Республикасының Ұлттық
Құсайын Иманғалиұлы қауіпсіздік комитеті Шекара қызметі
директорының бірінші орынбасары - Бас
штаб бастығы (келісім бойынша)

Жампейісов - Қазақстан Республикасының Жер
Амангелді Сүйімбайұлы ресурстарын басқару жөніндегі агенттігі
төрағасының орынбасары

Коваль - Қазақстан Республикасының Ауыл
Игорь Александрович шаруашылығы министрлігі Орман және
аңшылық шаруашылығы комитеті
төрағасының бірінші орынбасары

Брагин - Қазақстан Республикасы Қоршаған ортаны
Александр Геннадьевич қорғау министрлігі Нормативтік-құқықтық
қамтамасыз ету және халықаралық
ынтымақтастық департаментінің
директоры

Абділманов - Қазақстан Республикасы Қорғаныс
Алмаз Кәкімтайұлы министрлігінің Штабтар бастықтары
комитеті Жедел жоспарлау департаментінің
бастығы

Уандықов - Қазақстан Республикасы Көлік және
Берік Құсманұлы коммуникация министрлігі Су көлігі
департаментінің директоры

Әзімова - Қазақстан Республикасы Әділет
Эльвира Әбілқасымқызы министрлігі Заңға тәуелді кесімдер
департаментінің директоры

Құлыбаев - "ҚазМұнайГаз" ұлттық компаниясы"
Тимур Асқарұлы акционерлік қоғамының бірінші
вице-президенті

Қабылдин - "ҚазМұнайГаз" ұлттық компаниясы"
Қайыргелді Максұтұлы акционерлік қоғамы көліктік инфрақұрылым
және сервис жобалары жөніндегі басқарушы
директоры

Денякин - "ҚазМұнайГаз" ұлттық компаниясы"
Александр Викторович акционерлік қоғамының Жаңа жобаларды
дамыту департаментінің директоры

Әбілғазин - Қазақстан Республикасының Көлік және
Талғат Байтемірұлы коммуникация вице-министрі

Бекжанов - Қазақстан Республикасының Қоршаған
Жамбыл Лесбекұлы ортаны қорғау вице-министрі

Хасенов - Қазақстан Республикасының Ауыл
Сақташ Сатыбалдыұлы шаруашылығы вице-министрі

Ромашов - Қазақстан Республикасы Ауыл
Юрий Төлегенұлы шаруашылығы министрлігінің Балық
шаруашылығы комитеті төрағасының
орынбасары

Кеншімов - Қазақстан Республикасы Ауыл
Әмірхан Қадырбекұлы шаруашылығы министрлігінің Су
ресурстары комитеті төрағасының
орынбасары

Исаев - Қазақстан Республикасы Энергетика және
Мұсабек минералдық ресурстар министрлігі Мұнай
өнеркәсібі департаментінің директоры

**Ескерту. Құрамға өзгерту енгізілді - ҚР Үкіметінің 2005.10.20. N 1054
қаулысымен.**

Қ а з а қ с т а н Р е с п у б л и к а с ы
Ү к і м е т і н і ң
2 0 0 4 ж ы л ғ ы 4 м а у с ы м д а ғ ы
N 6 2 0 қ а у л ы с ы н а
қосымша

Каспий теңізінің құқықтық мәртебесінің мәселелері жөніндегі ведомствоаралық комиссия туралы ереже

1. Жалпы ережелер

1. Каспий теңізінің құқықтық мәртебесінің мәселелері жөніндегі
ведомствоаралық комиссия (бұдан әрі - Комиссия) Каспий теңізінің құқықтық

мәртебесінің мәселелері бойынша келіссөздерде Каспий теңізінің құқықтық режимін белгілеуге, Қазақстан Республикасының көзқарастарын жүйелеуге және бірыңғай ұстанымын әзірлеуге байланысты мәселелер жөніндегі негізгі бағыттарды жасау үшін Қазақстан Республикасының министрліктері мен ұйымдарының өкілдерінен қалыптастырылатын Қазақстан Республикасының Үкіметі жанындағы консультативтік-кеңесші орган болып табылады. Комиссияның құрамын Қазақстан Республикасының Үкіметі бекітеді.

2. Комиссия өзінің қызметінде Қазақстан Республикасының Конституциясын және заңдарын, Қазақстан Республикасы Президентінің және Үкіметінің кесімдерін және өзге де нормативтік-құқықтық кесімдерді, сондай-ақ осы ережені басшылыққа алады.

2. Комиссияның мақсаты мен міндеттері

3. Комиссияның мақсаты Каспий теңізінің құқықтық мәртебесі туралы конвенция жобасын әзірлеген кезде Каспий теңізінің құқықтық мәртебесін белгілеу жөніндегі ұсыныстар мен келісілген ұстанымды әзірлеу болып табылады.

4. Комиссияның негізгі міндеттері мыналар болып табылады:

Қазақстан Республикасының экономикалық мүдделерін, Каспий өңірі экологиялық жүйесінің ахуалын негізге ала отырып және халықаралық келісімдер шеңберінде Қазақстан Республикасы қабылдаған халықаралық міндеттемелерді ескере отырып, Каспий теңізінің құқықтық мәртебесі туралы конвенция жобасын жетілдіру жөнінде ұсыныстар әзірлеу;

Каспий теңізінің құқықтық режимінің мәселелері жөніндегі келіссөздер процестерінде Қазақстан Республикасының бірыңғай ұстанымын дайындау үшін салалық бағыттар бойынша ұсыныстар әзірлеу.

3. Комиссияның құқықтары

5. Комиссия өзінің құзыреті шегінде өзіне жүктелген міндеттерді жүзеге асыру кезінде:

заңнамада белгіленген тәртіппен министрліктер мен ұйымдардан қажетті материалдар мен ақпарат сұратуға және алуға, сондай-ақ Комиссияға жүктелген міндеттерді орындау үшін тиісті мамандарды тартуға;

Қазақстан Республикасының Каспий теңізіндегі қызметіне байланысты мәселелерді шешу жөніндегі проблемаларды талдауға және ұсыныстар әзірлеуге ғылыми ұйымдарды, жоғары оқу орындарын тартуға;

Комиссияның құзыретіне кіретін мәселелер бойынша Қазақстан Республикасының заңнамалық және нормативтік базасын жетілдіру жөнінде Қазақстан Республикасының Үкіметіне ұсыныстар енгізуге құқылы.

4. Комиссияның қызметін ұйымдастыру

6. Комиссияны төраға басқарады, төраға оның қызметіне басшылық жасайды, Комиссияның мәжілістерінде төрағалық етеді, оның жұмысын жоспарлайды, оның шешімдерін іске асыруда жалпы бақылауды жүзеге асырады және Комиссия жүзеге асыратын қызмет үшін жауапты болады. Төраға болмаған уақытта оның функциясын Комиссия төрағасының орынбасарлары атқарады.

7. Қазақстан Республикасының Сыртқы істер министрлігі Комиссияның жұмыс органы болып табылады.

8. Комиссияның хатшысы Комиссия мәжілістерінің күн тәртібі бойынша ұсыныстарды, қажетті құжаттарды, материалдарды әзірлейді және мәжілістер өткізілгеннен кейін хаттамаларды ресімдейді. Комиссияның хатшысы Комиссияның толық құқықты мүшесі болып табылады.

9. Комиссияның мәжілістері қажеттілігіне қарай өткізіледі.

10. Комиссияның жоспардан тыс мәжілісін Комиссияның қарауына шығарылатын, ұсынылған материалдардың негізінде Комиссияның төрағасы, ал ол болмаған уақытта Комиссия төрағасының орынбасарлары шақырады.

11. Комиссияның шешімдері ашық дауыс берумен қабылданады және егер олар үшін мәжіліске қатысқан Комиссия мүшелерінің жалпы санының көпшілік дауысы берілсе, қабылданды деп саналады және хаттамамен ресімделеді. Дауыстар тең түскен жағдайда төраға дауыс берген шешім қабылданды деп саналады. Комиссияның шешіміне мәжіліске қатысқан Комиссия мүшелері қол қояды және шешімнің ұсыныстық сипаты болады.

Комиссия мүшелерінің ерекше пікір айтуға құқығы бар, ондай жағдайда пікір білдіру жазбаша түрде баяндалып, хаттамаға тіркелуі тиіс.

12. Мәжілістердің күн тәртібін, сондай-ақ оларды өткізу орны мен уақытын Комиссияның төрағасы белгілейді және нақтылайды. Комиссия өзінің қызметі туралы есеп беру ақпаратын Қазақстан Республикасының Үкіметіне жарты жылда кемінде бір рет береді.

5. Комиссия қызметін тоқтату

13. Комиссияның қызметін тоқтату үшін:
Комиссияға жүктелген міндеттердің орындалуы;
Комиссияға жүктелген міндеттерді жүзеге асыратын мемлекеттік органның немесе өзге Комиссияның құрылуы;

Комиссияның міндеттерін орындау мүмкін болмайтын немесе оларды орындау орынсыз болатын өзге де мән-жайлар негіз болып табылады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ